

## IONTATIATATAASTHA.

Se8enniiio tsi iakionnhe, konhiennitentase, \* takitenr niha tsini satennitenraskon.

Iahtaontaieri8asaate tsini sanikonhriio, \* ne se karihon-nis sekon non8a konniahesen.

Ak8a tōkenske 8akeri8anerahakskon, \* sasanikonhrhen niha tsini konnikonbraksaton.

Onen kerisaienteristsihon tsini 8akeri8annhikon, \* iahte 8atons skennen aonsakennontonnion.

Iahte sanekherens tsini 8akeri8aneren, \* iken tiotkon teskanere othenon nikatieranions.

Ak8a oni kari8anerenke onk8e 8akatonhon, \* ne se karihonnis asteson katatkenronnis.

Takitenr, Se8enniiio, askiatohare niha, \* nok enkkenni noniete tsinenkiatakenratane.

Heren niha asatkarenrako, \* esotsi ione8arat tsini konk8etaksen.

Satsianerenst niha akatonnnhetston kenha, \* tsini saierenne saonknekosera8e.

Tosa non8enton takiatonti, \* tiotkon tennon takatsterist. Ens eskion8eskaten, Se8enniiio, \* akenikonhrake enseri8ahnirate kari8iio.

Ethone ak8a skennen enskennontonnion, \* aseken iahtenseskiatas8enseke.

Skari8at ok iesanikonhraie8entotha, \* tsi iakonikonhra-non8aks tsini iakori8aneren.

Takitenr kati, Se8enniiio, \* ne tiotkon katstarak8a tsini konnikonbraksaton.

Ak8a tekatonnnhakarias non8entsiake, \* toha onte oni aontokten tsi konnhe.

Aonhaa 8akeriios tsini 8akeri8aneren, \* ketsanis tiotkon enskat ehnaonsonki ita8en.

Ionehrak8at tsinat katerientakari, \* oh se nonnakiere naonsakonnikonhraseronni.

Ne kati karihonnis tiotkon konhiatisaks, \* iahte katorisens tsi konhiennitentase.

Tiotkon katiken, Se8enniiio, enske8ennonti, \* iah ken taonton askatkatho ne nostonha oni.

Kari8aneren iotiesaton tsi konnhek8e, \* karonhiakenhon ok non8a tsiotatenron.